

Тосхачнрин белг

Мана бригад давсн джил, шишлинъ багъчудас бурдэгдлэ. Эврәннь хотл балгъсн Элстиг шулун гидгяр ясдж, бсгхд чидлән арвлго кōдлвдн. Бригадин член болгън даалгъвран бдр болгън давулдж кӯцәнә. Бидн Элстин тосхлтин хойрдгч управленьд кōдлджәнәвдн. Шин лжилин элцәр 8 пәтртә хойр гер тосхлгъ эклвдн. Эн кōдлмшән апрелин 18-д болзгасн 12 хонг-әрт кӯцәвдн. Бригад дангъин бдрә-даалгъвран 160—180 процент кӯцәджәв. Мана тосхсн гермуд сән гисн темдгтәггяр олзллгънд бггдцхәв.

Ода мана бригад 400 сургъульчнрин ормта школин тосхлгънд орлцджана. Май сарин нег шиниг бригадин багъчуд кӯч-кōлсни сән диилврәр тосв. Багъ наста тосхачнр бдрә, даалгъвран 160—180 процент кӯцәцхәнә.

Модна урч Ангъгъра Павел бдр болгън норман 200 процент кӯцәнә. Эврәннь кōдлмшиннь дамшлтан Павел талдан урчудт заадж

бгнә. Энүнәс Цернә Алексей чигн ұлдхш, даалгъвран 180 процент кӯргдж кӯцәнә. Хамдан кōдлджәх нань чигн урчуд кōдлмшән нормаснь давулдж кӯцәцхәнә.

Майин нег шинин байрур апрель сара зурагъан давулдж кӯцәггәд, сән белгтә ирввдн.

Манла хамдан ур Цандга Сергә гардджах, чолучнрин бригад кōдлджәнә. Эдн бас йир шунмгъа кевәр кōдлцхәнә. Теднд кергтә модн—урна

кōдлмшиг бидн зогсал уга кенәвдн. Мана урчудин болн чолучнрин бригадс эн джилин август сарин 15 кӯртл, бәрджәх школан тосхдж дуусад, Элстин сургъульчнрт кӯч-кōлснә белг гидж нерәлхәр зүткджәцхәнә.

Комсомолин 13-ч хургин дуудвриг йир икәр таасвдн. Энүнә хәруд бидн цааранднь чигн кōдлмшән сулдхл уга, шундж кōдлхвдн.

НАРАНОВ Алексей.